

SECTION - I

खोन्दो - I

Note : This section consists **two** essay type questions of **twenty (20)** marks each, to be answered in about **five hundred (500)** words each. **(2 × 20 = 40 Marks)**

बे खोन्दोयाव मोनफ्रोमबो 20 नम्बरै मोननै रनसाय लिरनांगोन । मोनफ्रोमबो सॉलुखौ 500 सो सोदोबजों फिननांगोन ।
(सॉलु 2 × नम्बर 20 = गासै 40)

1. मोनसे रावनि थुनलाइ जौगाखांनायनि मान दान्दाखौ थुनलाइ रुजुनायनि गेजेरजों माबादियै मिथिनो हायो बिजिरना लिर ।

एबा

बर' रावाव असमीया आरो गुबुन आर्य रावफोरा माबादि गोहोम खोलैदों बिजिरना लिर ।

एबा

बर' फोरनि जानाय-लौनाय आरो गाननाय-जोमनाया गुबुन हारिनि गोहोम गोलैनानै माबादि सोलाय-सोल जादों बिजिरना लिर ।

2. बर' रायथाइ थुनलाइनि बायदि बिथिंफोरा माबादि जौगाखांदों सुमोनथाय हो ।

एबा

बर' रावनि महर खान्थियारि बिथिडा असमीया रावजों माबादि गोरोबलायनाय आरो गोरोबलायि दं बिजिरथाय हो ।

एबा

बर' फोरनि सुबुं शिल्पवा बर' सुबुं समाजाव रांखान्थियारि बिथिडाव माबादि मदद होदों सावराय ।

SECTION – II
खोन्दो – II

Note : This section contains **three (3)** questions from each of the electives/specializations. The candidate has to choose only one elective/specialization and answer all the three questions contained there in. Each question carries **fifteen (15)** marks and is to be answered in about **three hundred (300)** words. **(3 × 15 = 45 Marks)**

बे खोन्दोयाव मोनफ्रोमबो 15 नम्बरै मोनथाम (3) सॉलुनि फिननाय जायखि जाया मोनसे सायख बाहागोनिफ्राय फिननांगोन । मोनफ्रोमबो सॉलुखौ 300 सो सोदोबजों फिननांगोन ।

(सॉलु 3 × नम्बर 15 = गासै 45)

सायख बाहागो-I

(थुनलाइ)

3. बर' सलमा थुनलाइनि फारि जौगानि सोमोन्दै लिर ।
4. सलन्थाइमा, खन्थाइमा आरो खोन्दो खन्थाइमाफोरा मा बिजिरना लिर ।
5. 1952 मायथाइनि सिगां ओंखारनाय लाइसिफोरनि सायाव बिजिरथाय हो ।

एबा

सायख बाहागो-II

(राव)

3. बर' आरो असमीया दावनि गारां आरो खोरां रिंसारथिफोरखौ राननानै गोरोब लायनाय आरो गोरोबलायैफोरखौ बिजिर ।
4. बर' रावनि सोदोब बाखिनि सायाव रनसाइ लिर ।
5. सा-सानजा भारतनि बबे बबे आर्य रावाव बर' रावनि गोहोमा गोलैदों बिदिन्थि होनानै सावरायनानै लिर ।

एबा

सायख बाहागो-III

(हारिमु)

3. गोदोनि आसामाव गुबुन गुबुन सुबुं फोलेरनि मानसिफ्रा बबे बबे लामाजों हाबफैदोंमोन होनानै पण्डितफोरा बुंलांदों बिजिरनानै लिर ।
4. बर' फोरनि समाजारि आसारखान्थिफोराव बर' फोलेरनि गुबुन गुबुन हारिफोरनि गोहोमा गोलैनानै माबादि सोलाय सोल महर मोन्दों बिजिरनानै लिर ।
5. बर' सुबुं धोरोम सिबिनायनि गुबुन गुबुन बिथिफोरा मा मा बिजिरनानै लिर ।

SECTION – III

खोन्दो – III

Note : This section contains **nine (9)** questions of **ten (10)** marks, each to be answered in about **fifty (50)** words. **(9 × 10 = 90 Marks)**

बे खोन्दोयाव मोनफ्रोमबो 10 नम्बरै मोन 9 सॉलुनि फिन होनांगोन । मोनफ्रोमबो सॉलुनि फिनखौ 50 सो सोदोबजॉ फिननांगोन । **(सॉलु 9 × नम्बर 10 = गासै 90)**

6. रायथायारि महरनि (prose narrative) सुबुं थुनलाइफोरनि सोमोन्दै सुंद सावरायनाय लिर ।

7. बर' थुनलाइ सोरजिनायनि बेलायाव मिसनारिफोरा होलांनाय बिहोमानि सोमोन्दै सुंदयै लिर ।

8. सलमाखौ मानो 'Pocket theatre' बुंनाय जायो ?

9. चीन-तिब्बतारि राव फोलेरनि बाहागोफोरखौ हांख्रा सावगारिनि हेफाजाबाव राननानै दिन्थि ।

10. 1963 नि उनाव बर' राव लिरनो थाखाय मा मा हांखो बाहायदोंमोन लिर ।

11. बर' रावनि सायाव गुबुन बर' हान्जानि रावफोरनि गोहोमनि सोमोन्दै लिर ।

12. बर' फोरनि दानाय लुनायनि सोमोन्दे लिर ।

13. गार' फोरनि वांगाला रंजाथाइ फोरबोनि सोमोन्दै लिर ।

14. बर' फोरनि सुबुं गेलेनायनि सोमोन्दै लिर ।

SECTION – IV

खोन्दो – IV

Note : This section contains **five (5)** questions of **five (5)** marks each based on the following passage. Each question should be answered in about **thirty (30)** words.

(5 × 5 = 25 Marks)

बे खोन्दोयाव गाहायाव होनाय फरा खोन्दोखौ फरायनानै बेजों सोमोन्दो थानाय मोनबा (5) सौलुनि फिननाय होनांगोन । मोनफ्रोमबो सौलुनि फिनखौ 30 सो सोदोबजों फिननांगोन । मोनफ्रोमबो सौलुवाव 5 नम्बर थागोन ।

(सौलु 5 × नम्बर 5 = गासै 25)

गोदो गोदाय दरसे गामियाव धोरोम सिबिसुला सासे बोराय दंमोन । बे बोराया साबा फिसालाबो दंमोन । सम बारगनाय लोगो लोगो फिसालाफोरा हाबा खालामनायनि बैसो जानायलाय बोराया साबा फिसालानोबो बिहामजो लाबोनानै होफैयो । बे बोरायनि बिहामजो लाबोनायाव खाथि खाला दरबा गामिनि मानसिफोरा नुजाफैनानै जायै लोडै सानबा सिमहालागै रंजा बाजा खालामदोमोन । बे बोरायनि बिहामजो उन्दैनि मुडानो जाबाय मंगिल । बियो गुबुनफोरनिखुय बैसोयावबो उनदैसिन आरो समायनासिनबो । बेनिखायनो बनि बिजावजालिफोरा बिखौ बयबो अनसोगारोमोन आरो खामानि-दामानि बारा मावहोयामोन । मंगिलयाबो हाबा-हुखा, दानाय-लुनाय जेरावबो जेरैबो आखा-फाखामोनखाय सेरफाखाय फाखाय खामानिफोरखौ मावोमोन ।

सानसेखालिनि बाध्रा । बोराया फिसाला साबानि हाबा खुंनानै गावनि बाख्रिखौ खंख्ला जानाय नुनायलाय फिसालाफोरखौ फामु जाहैनो बिथोन होयो । बुंनाय लेखा हाबा । फिसालाफोराबो सानसे मायरं देरनि थल्फा लानानै फामु जानो थांनायसै । ओजोंहाय बोराया बिहामजोफोरखौ लानानै नवावनो थांनायसै । बोराया बिहामजो मंग्लिखौ जोबोर अनसोगारोमोन । बांद्राय अननायनि थाफावनो जानाय-लॉनाय मावनाय-दांनाय जेब्लाबो बिहामजो उन्दैखौ उदिस लाबाय थायोमोन । बोराया बिहामजो उन्दैखौ ओरैबादि – अनोमोनदि अमा गन्द्रायाव आदार हैब्लाबो सेर फाखाय फाखाय नाहरोमोन । बोरायनि बिदि ख-ख अननायखौ मंग्लिया बोरैबा सानफ्लांगारो आरो माबाफोर अगेन जाथाय जाजानो गिनानै सानसेखालि गोजां बोथोरनि अखानायसि समाव ननिफ्राय खारखुमा लांगारो । अखानायै फुडाव बोराया बिहामजो मंग्लिखौ नुयैनि गुबुन बिहामजोफोरनियाव सॉनानैबो जेबो खौरां मोनैनि बोराया मा खालामनो मा मानो जायो । उनाव जाग्रा-लॉंग्रानि थल्फा मोनसे लाना बिहामजो मंग्लिनि आगानखौ दुब्रि हाग्रानि सायाव नायै नायै नागिरलाडो । दुब्रि बारि सानि आगानखौ नायै नायै थांनानै मोनसे समाव बाला बारि मोनहैयो आरो आगानाबो गोमायो । बे समावनो बोराया मेथाइ रोजावनो हमो ।

ऐ बिहामजो मंग्लि ।

बहा थांखो नों रथ आइ रथ ।

दुब्रि बारियाव आगान नुदोंमोन ।

बाला बारियाव गोमाबाय आइ गोमाबाय ।

बिदिनो मेथाइ खने खने बिहामजो मंग्लिखौ नागिरै नागिरै बोराया जानाय-लॉनाय, गाननाय-जोमनाय जेनिबो थिक गैलिया जालांबाय । बोरायनि बिदि महरखौ नुनानै मानसिफोरा बिखौ जारा फागलाबो बुंनो हमनायसै । बिदिनो नागिरै नागिरै सानसेखालि सानजौफु समाव दैमा गाथोनाव दै लॉनानै बिफां सायायाव जिरायनायाव उन्दुलांसनो आरो सिमांबो नुलायो । सिमाडाव सासे बोराया बिखौ बर'नि दामग्रा-देग्राफोरखौ बाहायनानै अखाफोर दानसोरां हराव खेराइ होयोब्लानों बिहामजोखौ मोनगोन होननानै खिनथा लाडो । बोराया सिरि मोननानै सिमानि बाध्राखौ सानै सानै नवाव फैयो आरो फिसाला फोरखौ लंहरनानै खेराइ होनायनि लाहार फाहार खालामो । गमा मायैनो बोराया दानसोरां अखाफोर खालि खाम, सिफुं, जथा बाहायनानै खेराइ होनो थि खालामनायसै । खाम, सिफुं, जथानि रिंखांनाय खोनानाय लोगो लोगोनो खेराइ सालियाव बबेनिफ्रायबा हिनजाव सासे नुजाफैनानै बाखो बाखो मोसायै मोसायै मोदायफोरनो बावो । बिदिनो हरसे मानि मोसायै मोसायै मोदायनो बावनानै अखा नायसि समाव लैथोनि बिखानिफ्राय माइनाव बुरखांनानै लाबोना खेराइ सालिनि सुबुंफोरनो सारना होना बहाबा थांफिनगारो । सुबुं फोथायनाय बादिब्ला बे मोसायै मोसायै मोदायनो बावग्रा हिनजावानो दौदिनि महरनि बिहामजो मंग्लि, सिमाडाव नुजाफैनाय एबा सोफनाय फैनाय बोरायानो जाबाय बाथौ बोराय आरो सलनि बोरायानो जाबाय मोनसिं सिं बोराय ।

15. बे फरा खोन्दोयाव बर' सुबुं समाजनि मा मा सावगारि बेरखांदों ?

16. बिहामजो मंग्लिया मानो खारखोमा लांदोंमोन आरो बोराया माबोरै नागिरदोंमोन ?

17. सलनि बोराया सोर आरो बेखौ मानो मानसिफोरा जारा फाग्ला बुंदोंमोन ?

18. दौदिनिनि महराव बिहामजो मंग्लिया खेराइ सालियाव मा मा खामानि मावदोंमोन ?

19. बे सलखौ फरायनानै मुं मोनसे हो आरो नों होनाय मुडा गोरोबदों ना गोरोबाखै जुक्ति होनानै लिर ।